



Inatsisartuni ilaasortaq, Debora Kleist, Inuit Ataqatigiit

§ 36 naapertorlugu apeqquteqaammut, 5. januar 2010-meersumut akissut

13. januar 2010
Sagsnr. 2010-024366
Dok. Nr. 291522

Asasara Debora Kleist,

Postboks 909
3900 Nuuk
Tlf. (+299) 34 50 00
Fax (+299) 34 54 10
E-mail: aan@gh.gl
www.nanoq.gl

Erngup nukinganut tunngatillugu apeqqtinnut qujanaq. Matuma kinguliani apeqqutitit ataasiakkaarlugit akissuteqarfigissavakka.

Apeqqt 1: Nanortalip eqqaani Tasiisaarsummi erngup nukinganik nukissiorfiliornissamik pilersaarutaasimasup suut tunngavigalugit unitsinneqarsimanera pillugu Naalakkersuisut paasissutissiisinnaanerlutik?

Akissut: Tasiisaarsummut tunngatillugu 1983-imi sananissamut pilersaarusiassamut siunnersuusiortoqareemat misissueqqaarnerit unitsinneqarput. Siunnersuut ukiumi tassani marsimi saqqummiunneqarpoq, taamanikkullu EF-iusup illoqarfinnut qanittuni erngup nukinganik misissueqqaarnermut tapersiisoqarnissaanik neriorsuutaa tunngavigalugu suliarineqarluni.

1987-imi nuna tamakkerlugu nukissiornermut pilersaarut akuerineqarpoq, taassumalu inernerisaanik siunissami illoqarfiit Ilulissat, Sisimiut, Nuuk aamma Paamiut aallunneqassasut tunngaviatigut isummiussisoqarpoq.

Erseqqissaatigineqassaaq Nanortalik ukioq manna tikillugu tunullinneqarsimammat. Nuummi, Sisimiuni, Ilulissani Paamiunilu uuliamik sipaarutissat annertunerunerat tamatumunnga pissutaavoq. 2010-miit 2013-imut tulleriiaarnermut atatillugu Nanortalik ilannguteqqinneqarpoq, ilaatigut uuliamik avataaniit tikisitsisarnerup sapinngisamik annertunerpaamik annikillisinneqarnissaanik kissaateqarneq tunngavigalugu sananissamut pilersaarusiassamut siunnersuut naliliiffigeqqinneqartussaammat.

Apeqqt 2: Erngup nukinganik nukissiorfinnik porsaaneq eqqarsaatigalugu kujataani arlaatigut nutaanik Naalakkersuisut pilersaaruteqarpat?

Akissut: Sananissamut pilersaarusiassamut siunnersuutip matuma siuliani taaneqartup nutarternissaanut Nukissiorfiit aningaasaliiffigineqarnissamut 2009-mi qinnuteqarput. Nutarterineq ilaatigut sanaartornermi aningaasartuutissat naliliiffigeqqinneqarnerannik kinguneqassaaq, tassungalu imminut akilersinnaassuseq ilaavoq. Suliassap ukiup matuma ingerlanerani naammassineqarnissaa naatsorsuutigineqarpoq.

Ilisimatitsissutitut oqaatigisinnaavara, erngup nukinganik misissueqqaarnermut tunngatillugu Nukissiorfiit, Asiaq aamma Namminersorlutik Oqartussat ukiumoortumik

ataatsimeeqatigiittarmata. Tassani uuliamik atuinermik annikillitsiviusinnaasut tunngavigalugit paasissutissat katersorneqartut tulleriaarneqarnissaat, kiisalu paasissutissanik nutaanik nutartikkanilluunniit pisariaqartitsisoqarnersoq oqaluuserineqartarpoq.

Apeqqu 3: Kujataani kultisiorfimmi piginnittut nutaat Kommune Kujallerlu suleqatigiillutik Tasiisaarsummi erngup nukinganik nukissiorfimmik pilersitsisoqarsinnaanerani misissuisoqarnissaa siunertaralugu Naalackersuisut pilersaaruteqarpat?

Akissut: Naalackersuisut ingerlatseqatigiiffimmit saaffiginnissummik tigusaqarunik, Naalackersuisut pimoorussillutik periarfissanik misissuissapput.

Inussiarnersumik inuulluaqqusilluta

Jens B. Frederiksen